



Publicaziuns dalla vischnaunca, jamna 02

Damonda da baghegiar

2022-1075.000

Datum dalla publicaziun: 13 da schaner 2023

Il patron: Societad semplia Alp Run Mustér, Via Run 6, 7180 Disentis/Mustér
Il representant: ipz ingenieure + planer ag, Via Lucmagn 7, 7180 Disentis/Mustér
Intenziun: Sanaziun ed amplificaziun dil provediment d'aua
Edifeci nr. 640
Parcella: 2548
Adressa: Alp Run, 7180 Disentis/Mustér
Zona: – Zona agricola
– Zona d'uaul
Zona da prighel: Neginia zona da prighel

Protestas:

Ilis plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 13 da schaner 2023

Uffeci da baghegiar Disentis/Mustér

Vignettas per mopeds ed e-bikes

Naven digl 1. da schaner 2023 ei igl Uffeci per il traffic sin via il post d'emissiu per vignettas e per numeras d'immatriculaziun per mopeds (velos a motor) e per e-bikes.

Tier la vischnaunca san neginas vignettas e numeras pli vegnir retratgas.

L'entschatta digl onn 2023 survegnan possessurs dalla vignetta 2022, dils quals il vehichel ei vegnius registraus ella banca da datas digl uffeci cantunal, automaticamein in quen pro fuorma per posta per la vignetta 2023. Aschispert che quei quen ei pagaus, vegn la nova vignetta tarmessa per posta. Tgi che less buc retrer ina vignetta pigl onn 2023, paga buca quei quen e fieranaven el.

Novs possessurs da mopeds san seregistrar cul formular ufficial digl Uffeci per il traffic sin via. Ulteriur sclariment sut www.stva.gr.ch ni 081 257 80 00.

Bien engraziament per l'enconuschientscha.

Administraziun communal

Controlla da habitonts

Mortori

Robert Anton Ehling naschius ils 16 da december 1946, morts ils 9 da schaner 2023



Scola populara Mustér

Marina Cavelti-Mathiuét – la nova meinascola da Nossa scola populara Mustér

A caschun dalla seduta da mardis, ils 3 da schaner 2023 ha il Cussegl da scola Mustér elegiu Marina Cavelti-Mathiuét sco nova meinascola da nossa scola naven digl onn da scola 2023–2024. Marina Cavelti-Mathiuét ei da present meinascola a Panaduz-Razén. Plinavon enconuscha ella fetg bein il scolaesser dalla Sursassiala, damai che Marina ei stada meinascola ils onns 2016–2018 ella scola a Sedrun Marina Cavelti-Mathiuét ei maridada e mumma da dus affons. Ella habitescha cun sia famiglia a Sagogn. Il cussegl da scola ei fetg cuntents e satisfatgs dalla elecziun e selegra sin ina buna, constructiva e fritgeivla collaboraziun.

Cordial beinvegni Marina e bia plascher e satisfacziun cun ed el cerchel scolastic Mustér!

Biblioteca populara Disentis/Mustér

La biblioteca envida ad ina sera cun Flavio Huonder

Il redactor ed archivar tier RTR presenta dalla plattaforma nossaistorigia.ch fotografias e films da Mustér e contuorn.

Cu? **Mesjamna, ils 18 da schaner 2023**, allas 19.30

Nua? En la Biblioteca populara Disentis/Mustér e contuorn

Suenter la presentaziun offerin nus in pign apero.

Entrada libra. Nus selegrein sin vus!

Il team dalla biblioteca

Oz en biblioteca!

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei!

Cun ils pli cars salids

Mats, la miur ed il team dalla Biblioteca populara Disentis/Mustér e contuorn

Preavis Lotto

Sonda, ils 6-5-2023 meina la Secziun da catschadurs Péz Alpetta atras igl usitau lotto ella Sala Fontauna a Mustér. Nus suplichein autras uniuns da risguardar quei datum.

Bien engraziament

la suprastonza



Invitaziun Seniors-Ca

Gievgia, ils 19 da schaner 2023 excursiun a Caischavedra cun sorpresa

Gentar allas 12.20 en stiva Pauli. Menu dil di ed 1 caffè per prezi favoreivel. Annunzia tochen **mardis, ils 17 da schaner 2023** allas 17.00 a Puntreis sut 081 929 56 56. Rinnada allas 11.45 a sontga Catrina sper la cabina (bus local arriva allas 11.40). Il viadi ei offerius dallas Pendicularas Mustér.

Previs: Gievgia, ils 2 da fevrer 2023 allas 13.45 en Puntreis

Tema: «Saver viver autonom/sur sesez a casa.» - Ina tematica che fatschenta specialmein tuttas persunas naven da 60 onns ensi! Il president dil cussegl da seniors dil Cantun grischun informescha e presenta il project.

Team Seniors-Ca

Societad semplia Alp Run Disentis/Mustér

La radunonza generala extraordinaria ha liug **ils 3 da fevrer 2023** allas 18.00 el Center dad agricultura a Salaplauna.

Uniun da dunnas Disentis/Mustér

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la gruppa da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada mardis,	ils 24-1-2023
Temps	15.00–16.30
Liug	Casa da scola Segnas, local artgin, ella 1 alzada
Prender cun	marenda e scalfins

Ulteriuras informaziuns e datums anfleis Vus sut www.uddm.ch

Cordialmein envida

Uniun da dunnas, ressort affons
